

2/2

4923

w 1,2

1-13

დღიური ფურცლები

დეფეტის სახე	დაზიანებული გვერდები	თარიღი	დაზიანებული გვერდები	თარიღი
1	2	3	2	3
1. ამოხეულია ფურცლები . . . . .				
2. " ილიუსტრაციები				
3. ამოვარდნილია ფურცლები				
4. დახაზულია . . . . .				
5. დასერილია . . . . .				
6. ყდის დეფექტი . . . . .				
7. დაზიანებულია მწერებისაგან				
8. " ობისაგან . . . . .				
9. მსხუდრი ფურც. . . . .	8/189			26/2-40
10. _____				
11. ყელია N.N.	3, 4, 5.			

სტმ. და. შრ. 2011 26.

2  
1923/2

34(05)



# კანონთა და განკარგულებათა კრებული

აშიერკავკასიის სოციალისტური ფედერატიული საბჭოთა რესპუბლიკის  
მუშათა და გლეხთა მთავრობის.

1923 წლის  
ივლისის 4.

**№ 1.**  
განყოფილება პირველი

გამოცემული ამიერკავკასიის ცენტრალურ აღმასრულებელ კომიტეტთან არსებულ საკანონმდებლო კომისიის მიერ.

## შინაარსი:

- მუხ. 1. სამუშაო ხელფასის მინიმუმის შესახებ 1923 წლის იანვრისათვის.
- „ 2. ამიერკავკასიის სოც. ფედ. საბჭ. რესპუბლიკის მუშათა და გლეხთა ინსპექციის სახალხო კომისარიატისა და ამიერკავკასიის რკინისგზის მუშათა და გლეხთა ინსპექციის ურთიერთი დამოკიდებულების შესახებ.
- „ 3. საბაჟო დაწესებულებათაგან მგზავრებისა და მათ მიერ წანატანი ნივთების გაშვების წესის შესახებ.
- „ 4. საუცხოეთო ვიზისა და პასპორტის მიცემის შესახებ.
- „ 5. ამიერკავკასიის რესპუბლიკათა მონაწილეობის შესახებ ქ. ლიონის საერთაშორისო ბაზრობაში.
- „ 6. სამუშაო ხელფასის მაქსიმუმის შესახებ 1923 წლის იანვრისათვის.
- „ 7. 26-ს სახელობის ამიერკავკასიის კომუნისტური უნივერსიტეტის დაარსების შესახებ.
- „ 8. თანბარი სააქციო განაკვეთის დაწესების შესახებ ამიერკავკასიის ფედერაციის ფარგლებში.
- „ 9. საზღვაო ტრანსპორტის მოქმედების გაერთიანების შესახებ.

## დადგენილება № 1 აშიერკავკასიის სოც. ფედ. საბჭ. რესპუბლიკის სახალხო კომისარიატის საბჭოში.

1923 წლის იანვრის 23.

### 1. სამუშაო ხელფასის მინიმუმის შესახებ 1923 წლის იანვრისათვის.

ამიერკავკასიის სოც. ფედ. საბჭ. რესპუბლიკის სახალხო კომისარიატის საბჭო აღგენს:

1. 1923 წლის იანვრისათვის ამიერკავკასიის ფედერაციის მთელს ტერიტორიაზე სამუშაო ხელფასის მინიმუმად ამიერკავკასიის ფულს ნიშნებით და-



წესებულ იქნეს 1.900.000 (ერთი მილიონი ცხრაასი ათასი) მანეთი იმ ადგილებისათვის, რომელიც შედის განაკვეთის 100% ზოლში; სხვა ზოლების ადგილებისათვის აღნიშნული მინიმუმი სათანადოთ უნდა იქნეს გადიდებული ან შემცირებული.

2. ზოლების დაწესება და გამოქვეყნება დავალოს ამიერკავკასიის შრომის სახალხო კომისარიატს სამი დღის განმავლობაში.

3. არც ერთ სახელმწიფო და კერძო საწარმოს არა აქვს უფლება მისცეს სამუშაო ხელფასის იმ რაოდენობაზე ნაკლები, რაც დაწესებულია ამა დადგენილების პირველ მუხლში.

4. ამა დადგენილების დარღვევისათვის დამნაშავე სამართალში მიეცემა.

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს თავმჯდომარე — **მ. ორახელაშვილი.**

ამიერკავკასიის შრომის სახალხო კომისარი — **ს. იაკუბოვი.**

მდივნის მაგიერ — **ორლოვი-მალახოვი.**

გამოქვეყნებულია „ზარია ვოსტოკა“-ს 1923 წლის იანვრის 24-ს თარიღის 16 №-ში.

## დადგენილება № 2 ამიერკავკასიის სოც. ფედ. საბჭ. რესპუბლიკის სახალხო კომისართა საბჭოსი.

1923 წ. იანვრის 29.

2. ამიერკავკასიის სოც. ფედერ. საბჭოთა რესპუბლიკის მუშათა და გლეხთა ინსპექციის სახალხო კომისარიატისა და ამიერკავკასიის რკინისგზის მუშათა და გლეხთა ინსპექციის ურთიერთი დამოკიდებულების შესახებ.

1. ამიერკავკასიის რკინისგზის მუშათა და გლეხთა ინსპექციამ უნდა წარუდგინოს ხოლმე პერიოდული დაწერილებითი მოხსენებანი და თავისი მოქმედების ანგარიშები ამიერკავკასიის სოც. ფედერ. საბჭ. რესპუბლიკის მუშათა და გლეხთა ინსპექციის სახალხო კომისარიატს, თვინიერ გზათა ცენტრალური ინსპექციის სავალდებულო ანგარიშებისა და მოხსენებისა.

2. იმავე ინსპექციამ უნდა აღასრულოს ყოველი შენაკვეთი და დავალება ამიერკავკასიის სოც. ფედერ. საბჭ. რესპ. მუშათა და გლეხთა ინსპექციის სახალხო კომისარიატისა და ამის შესახებ უნდა აცნობოს ხოლმე გზათა ცენტრალურ ინსპექციას თავისი მოქმედების ანგარიშში.

ამიერკავკასიის სოც. ფედერ. საბჭ. რესპუბლიკის სახალხო კომისართა საბჭოს თავმჯდომარე **მ. ორახელაშვილი.**

ამიერკავკასიის სოც. ფედ. საბჭ. რესპ. სახალხო კომისართა საბჭოს საქმეთა მმართველი **მ. პოლის.**

გამოქვეყნებულია „ზარია ვოსტოკა“-ს 1923 წლის იანვრის 30 თარიღის 21 №-ში.



## დადგენილება № 3 აშვირკავკასიის სოც. ფედ. საბჭ. რესპუბლიკის სახალხო კომისართა საბჭოსი.

1923 წ. იანვრის 29.

### 3. საბაჟო დაწესებულებათაგან მგზავრებისა და მათ მიერ წანატანი ნივთების გაშვების წესის შესახებ.

1. რუსეთის სოც. ფედ. საბჭოთა რესპუბლიკის საგარეო ვაჭრობის სახალხო კომისარიატის მიერ,—ფინანსთა სახალხო კომისარიატთან შეთანხმებით,—დამტკიცებული წესი—რუსეთის სოც. ფედერ. საბჭოთა რესპუბლიკის საბაჟო დაწესებულებათაგან მგზავრებისა და მათ მიერ წანატანი ნივთების გაშვების შესახებ—გაგრძელებულ იქნეს აგრეთვე ამიერკავკასიის სოც. ფედერ. საბჭოთა რესპუბლიკის საბაჟო დაწესებულებებზედაც.

2. შეტანილ იქნეს ამა წესის ტექსტში,—ადგილობრივი პირობების გამო განსაკუთრებული გამოწვევის სახით,—მე-12 მუხ. 1 პუნქტის შენიშვნა შემდეგი შინაარსისა: „მოიცეველ მუსლიმანთ ნება ეძლევათ,—ფინანსთა სახალხო კომისარის წარმომადგენლის (აზერბაიჯანში) დასტურით თვითნებურ შემთხვევაში ცალკე,—გაიტანონ საზღვარგარედ, არსებული ნორმის გარეშე, უცხოეთის ქალაქის ვალიუტა ან ვერცხლის ფული სამას ოქროს მანეთამდე“,—ხოლო იმავე მუხლის B პუნქტს დაემატოს: „და ერთი ხალიჩა  $2 \times 1\frac{1}{2}$  არშ. ზომისა“.

3. დადგენილება ესე ძალაში შედის დღიდან მისი გამოქვეყნებისა.

ამიერკავკასიის სოც. ფედ. საბჭ. რესპ. სახალხო კომისართა საბჭოს თავმჯდომარე **მ. ორახელაშვილი**.

ამიერკავკასიის სოც. ფედ. საბჭ. რესპ. სახალხო კომისართა საბჭოს საქმეთა მმართველი **მ. პოლის**.

გამოქვეყნებულია „ზარია ვოსტოკა“-ს 1923 წ. იანვრის 30-ს თარიღის 21 №-ში.

## დაკრუტი აშვირკავკასიის სოც. ფედ. საბჭ. რესპუბლიკის სახალხო კომისართა საბჭოსი.

1923 წლის იანვრის 29.

### 4. საუცხოეთო ვიზისა და პასპორტის მიცემის შესახებ.

1. საბჭოთა რესპუბლიკის მოქალაქეთა და უცხო სახელმწიფოს ქვეშევრდომთა საზღვარგარედ წასვლა ამიერიდან შეიძლება არა სხვაგვარად, თუ არ რესპუბლიკის გარეშე საქმეთა სახალხო კომისარიატის განსაკუთრებული ნებართვით, რაც მიეცემა:

ა) საბჭოთა რესპუბლიკის მოქალაქეს—საუცხოეთო პასპორტისა და გასაშვები მოწმობის სახით;

ბ) უცხო სახელმწიფოს ქვეშევრდომს—მის ნაციონალურ პასპორტზე ან გასაშვებ მოწმობაზე დასმული ვიზის სახით.

2. ყველამ, ვისაც საზღვარგარედ წასვლა სურს, უნდა შეიტანოს ამის შესახებ საბჭოთა რესპუბლიკის გარეშე საქმეთა სახალხო კომისარიატში განცხადება დადგენილი ფორმით, რასაც დაურთავს:

ა) საბჭოთა რესპუბლიკის მოქალაქე: საცხოვრებელ მოწმობას, ოთხ ფოტოგრაფულ სურათს, საბჭოთა რესპუბლიკების ორი ისეთი მოქალაქის თაედებობას, რომელნიც შებღალულნი არ არიან სასამართლოს მიერ და არ იმყოფებიან გამოძიების ქვეშ, სამხედრო ბეგარის მოწმობას (სამხედრო ვალდებულისათვის), მოწმობას სამსახურის ადგილისა ან აღნუსხვის ადგილისა იმის შესახებ, რომ არ არსებობს დაბრკოლება საზღვარგარედ გამგზავრებისათვის (იმ პირისათვის, ვინც თავისი სპეციალობის გამო განსაკუთრებულ აღნუსხვაზე იმყოფება) და წარვლინების დოკუმენტის ასლს (იმ პირისათვის, რომელიც წარვლინებულია საბჭოთა დაწესებულებისა ან საზოგადოებრივი ორგანიზაციების მიერ);

ბ) უცხო სახელმწიფოს ქვეშევრდომი: საცხოვრებელ მოწმობას, საბჭოთა რესპუბლიკის ფარგლებში გაცემულს და ნაციონალურ პასპორტს.

**შენიშვნა.** უცხო სახელმწიფოს ქვეშევრდომი, რომელიც საბჭოთა სახელმწიფოს სამსახურშია, ვალდებულია წარადგინოს აგრეთვე მოწმობა სამსახურის ადგილისა, რომ არ არსებობს კანონიერი დაბრკოლება საზღვარგარედ გამგზავრებისათვის.

3. იმ პირთ, რომელნიც სცხოვრობენ აზერბაიჯანისა, სომხეთისა და აჭარის რესპუბლიკებში ან აფხაზეთისა და ნახიჩევანის ავტონომიურ ოლქებში, უფლება ეძლევათ საზღვარგარედ წასასვლელი ნებართვის მისაღებად მიმართონ საბჭოთა რესპუბლიკების გარეშე საქმეთა სახალხო კომისარიატს, სათანადო რესპუბლიკის სახალხო კომისართა საბჭოს კანცელარიისა ან სათანადო ოლქის აღმასრულებელი კომიტეტის კანცელარიის მეშვეობით, საიდანაც საზღვარგარედ გასამგზავრებელი პირის განცხადება, ამა დეკრეტით გათვალისწინებულ ყველა დანართით—გადაეგზავნება საბჭოთა რესპუბლიკების გარეშე საქმეთა სახალხო კომისარიატს.

4. საზღვარგარედ მიმავალი პირი გაიღებს გადასახადს თანახმად საკონსულო გადასახადთა დებულებისა.

5. საბჭოთა რესპუბლიკების მოქალაქეთათვის მიცემული საუცხოეთო პასპორტი და უცხოელის ეროვნული დოკუმენტი, საბჭოთა რესპუბლიკების ფარგლებში ეწევა საცხოვრებელი მოწმობის მაგიერობას, იმ ვადის განმავლობაში, რაც აღნიშნულია ვიზაში ან პასპორტში. ის პირი, რომელიც ვიზაში ან პასპორტში აღნიშნულ ვადაზე არ წავა საზღვარგარედ, ვალდებულია განაახლოს ვიზა ან პასპორტი, ან და უყოვნებლივ აიღოს დადგენილი მოწმობა საბჭოთა რესპუბლიკის ფარგლებში ცხოვრებისათვის.

6. საუცხოეთო პასპორტი ნამდვილყოფილია საზღვარგარედ ცხოვრებისათვის ექვსი თვის განმავლობაში დღიდან მისი გაცემისა. უცხოეთში წასულმა საბჭოთა რესპუბლიკის მოქალაქემ, უკეთეს საკიროა, რომ იგი დარჩეს იქ იმ ვადაზე მეტ ხანს, რაც აღნიშნულია მის პასპორტში,—უნდა მიიღოს ვადის გან-

გრძობის ნებართვა საბჭოთა რესპუბლიკის სრულუფლებიანი წარმომადგენლისაგან. პასპორტის ვადა შეიძლება განგრძობილ იქნეს ექვს თვეზე არა უმეტეს; ვადის განგრძობისათვის გადახდევინებულ უნდა იქნეს არსებული გადასახადი.

**შენიშვნა 1.** ნება მიეცეს საბჭოთა რესპუბლიკის გარეშე საქმეთა სახალხო კომისარიატს, საჭირო შემთხვევაში, დინტერესებული პირის ან დაწესებულების ცალკე შუამდგომლობისამებრ, მისცეს პასპორტი და საზღვარგარედ ცხოვრების ნებართვა ამ მუხლში აღნიშნულ ვადაზე მეტი ხნითაც.

**შენიშვნა 2.** საბჭოთა რესპუბლიკის მოქალაქე, რომელიც არ მიიღებს ნებართვას, რათა დარჩეს საზღვარგარედ მეტ ხანს, ვიდრე აღნიშნულია პასპორტში და ვადაზე არ დაბრუნდება უცხოეთიდან,—გადაიხდის გადასახადს სამკეცად.

7. საბჭოთა რესპუბლიკის მოქალაქე, რომელსაც 16 წელი შეუსრულდა, მიიღებს ცალკე საუცხოეთო პასპორტს; ბავშვი, რომელსაც 16 წელი არ შესრულებია და მშობლებთან ერთად მიდის საზღვარგარედ, აღნიშნება დედის ან მამის პასპორტში. 16 წლის შესრულებისას და აგრეთვე სხვა აუცილებელ შემთხვევაში საბჭოთა რესპუბლიკის მოქალაქე შეიძლება გამოიყოს იმ პირის პასპორტიდან, რომლის პასპორტშიც იგი აღნიშნულ იყო; ამ შემთხვევაში საბჭოთა რესპუბლიკის სათანადო სრულუფლებიანი წარმომადგენელი უცხოეთში შეიტანს ამის შესახებ ცნობას მშობლების პასპორტში, ხოლო ახლად მიცემულ პასპორტში მოიხსენიებს წინანდელ პასპორტს, რომელშიც ეს არასრულწლოვანი აღნიშნულ იყო. ცალკე პირისათვის მიცემულ თვითიულ პასპორტზე აღებულ უნდა იქნეს დაწესებული გადასახადი.

8. უცხოეთის მოქალაქე, საბჭოთა რესპუბლიკის ფარგლებიდან სოციალისტური საბჭოთა რესპუბლიკების კავშირის ტერიტორიაზე გასასვლელად, ვალდებულია აიღოს ამა დეკრეტის პირველ მუხლში აღნიშნული ნებართვა. რესპუბლიკათა კავშირის მოქალაქეზე ეს წესი არ გავრცელდება.

9. დეკრეტი ესე არ გავრცელდება: დიპლომატიური პასპორტის მიცემაზე, აგრეთვე ვიზის მიცემაზე, როგორც უცხოეთის ფლოტისა, ისე საბჭოთა რესპუბლიკის სავაჭრო ფლოტის სანავიგაციო როლებისა და ნავიგაციის კომანდის სიებისათვის; აგრეთვე არ გავრცელდება რეპატრიანტებისა და ოპტანტების სიებისათვის ვიზის მიცემაზე, არ გავრცელდება სანაპირო ზოლის მკვიდრთათვის საზღვარის გადასასვლელად მოკლევადიანი ნებართვის მიცემაზე და წესი ამგვების მიცემისათვის განისაზღვრება ცალკე დებულებით.

10. საბჭოთა რესპუბლიკის გარეშე საქმეთა სახალხო კომისარიატს უფლება ეძლევა ამა დეკრეტის განსავითარებლად გამოსცეს ხოლმე საჭირო დებულება და ინსტრუქცია.

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს თავმჯდომარე **მ. ორახელაშვილი**.

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს საქმეთა მმართველი **მ. პოლის**.

გამოქვეყნებულია „ზარია ვოსტოკა“-ს 1923 წლის იანვრის 30-ს თარიღის 21 №-ში.



## დადგენილება № 5 ამიერკავკასიის სოც. ფედ. საბჭ. რესპუბლიკის სახალხო კომისართა საბჭოსი.

1923 წლის იანვრის 30.

### 5. ამიერკავკასიის რესპუბლიკათა მონაწილეობის შესახებ ქ. ლიონის საერთაშორისო ბაზრობაში.

ამიერკავკასიის რესპუბლიკათა საკავშირო საბჭოს მიერ ქ. ლიონის საერთაშორისო ბაზრობაში ამიერკავკასიის რესპუბლიკათა მონაწილეობის შესახებ 1923 წლის იანვრის 12-ს თარიღითა და 3 ნომრით გამოცემული დადგენილების დასამატებლად, ამიერკავკასიის სოც. ფედ. საბჭ. რესპუბლიკის სახალხო კომისართა საბჭო ადგენს:

1. ყოველი საქონელი, რაც საკომისიო საფუძველზე, სახელმწიფო და კოოპერატიული ორგანიზაციების მეშვეობით, იგზავნება ქ. ლიონის ბაზრობაზე, — განთავისუფლდეს სალიცენზიო და დამატებითი გადასახადისაგან.

2. დაწესდეს რკინისგზის შეღავათიანი ტარიფი 1923 წლის მაისის 1-დღე და მომკმედი ტარიფი შემცირებულ იქნეს ოცდა ხუთი პროცენტით იმ საქონელისა, ნიმუშებისა და სხვა ექსპონატებისათვის, რაც გაიგზავნება ბათუმს ბაზრობის ბიუროს მისამართით.

3. ამა დადგენილების 2 მუხლში აღნიშნული შეღავათიანი ტარიფი გაცრეცელდეს 1923 წლის ივნისის 1-დღე იმ ნიმუშებზე, რაც ბაზრობიდან უკანვე გამოიგზავნება და რომელსაც დართული ექნება სათანადო მოწმობა ამიერკავკასიის სოც. ფედ. საბჭ. რესპუბლიკის საგარეო ვაჭრობის სახ. კომისარიატის უცხოეთში მყოფი სეაჭრო წარმომადგენლებისა.

4. ამიერკავკასიის ყველა სახელმწიფო და კოოპერატიულ ორგანიზაციას, რომელიც ჰგზავნის საქონელს ლიონის ბაზრობაზე, ნება მიეცეს შემოიტანოს უკანვე საეკვივალენტო ღირებულების უცხოეთის საქონელი, რასაც დართული უნდა ექნეს სათანადო მოწმობა ამა დადგენილების 3 მუხლის თანახმად; ასეთ საქონელს არ გადაჰხდება სალიცენზიო გადასახადი.

5. ამიერკავკასიის სოც. საბჭ. რესპუბლიკის საგარეო ვაჭრობის სახალხო კომისარიატთან არსებულ ბაზრობის ბიუროს ნება მიეცეს ამა 1923 წლის მარტის 1-დღე უბაჟოდ გაიტანოს საქონლის ნიმუშები და სხვა ექსპონატები, რასაც იგი ბაზრობაზე გაგზავნის.

6. ბაზრობიდან დაბრუნებული საქონლის ნიმუშებისა და სხვა ექსპონატებისათვის დაწესებულ იქნეს უბაჟო შემოტანის უფლება.

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს თავმჯდომარე **მ. ორახელაშვილი.**

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს საქმეთა მმართველი — **მ. პოლის.**

გამოქვეყნებულია „ზარია ვოსტოკა“-ს 1923 წლის თებერვლის 1-ს თარიღის 23 №-ში.

## დადგენილება № 6 აშიარკავკასიის სოხ. ფედ. სა- გჭოთა რესპუბლიკის სახალხო კომისართა საბჭოსი.

1923 წ. თებერვლის 5.

### 6. სამუშაო ხელფასის მაქსიმუმის შესახებ 1923 წ. იანვრისათვის.

სახალხო კომისართა საბჭო ადგენს:

1. იანვრისათვის სამუშაო ხელფასის მაქსიმუმად ამიერკავკასიის ფულის ნიშნებით დაწესებულ იქნეს სამოცდა ხუთმეტი მილიონი მანეთი და დაწესებუ-  
ლებათ მიეცეს უფლება გაიღონ სასყიდელი სათანადო განაკვეთით, მაქსიმუმის  
ფარგლებში იმ ფონდებიდან, რაც მიეცათ მათ საკვალიფიკაციოდ და სპეცია-  
ლისტთა განაკვეთისათვის.

2. ცალკე, განსაკუთრებული კვალიფიკაციის სპეციალისტებისათვის ნება  
დართოს დაწესებულებათ და სამეურნეო ორგანოებს აღძრან ხოლმე პერსონა-  
ლური შუამდგომლობა ამიერკავკასიის სახალხო კომისართა საბჭოს წინაშე—მა-  
ქსიმუმის გადიდების შესახებ.

3. აღნიშნული შუამდგომლობანი წარიგზავნება ამიერკავკასიის ფინანსთა  
სახალხო კომისარიატთან არსებულ შრომის სახელფასო კომისიაში, რომელიც  
წარუდგენს ამ შუამდგომლობათ სახალხო კომისართა საბჭოს თავისი დასკვნე-  
თურთ.

ამიერკავკასიის სოც. ფედერ. საბჭოთა რესპუბლიკის სახალხო  
კომისართა საბჭოს თავმჯდომარე **მ. ორახელაშვილი**.

ამიერკავკასიის სოც. ფედერ. საბჭოთა რესპუბლიკის სახალხო  
კომისართა საბჭოს საქმეთა მმართველი **მ. პოლის**.

გამოქვეყნებულია „ზარია ვოსტოკა“-ს 1923 წ. იანვრის 7-ის თარიღის  
28 №-ში.

## დაკრძალი აშიარკავკასიის ცენტრალური აღმასრუ- ლებელი კომიტეტისა და აშიარკავკასიის სოხ. ფედ. საგჭ. რესპუბლიკის სახალხო კომისართა საბჭოსი.

1923 წლის თებერვლის 6.

### 7. 26-ს სახელობის ამიერკავკასიის კომუნისტური უნივერსიტეტის დაარსების შესახებ.

I. ამიერკავკასიის კომუნისტური უნივერსიტეტი დაარსდება ქალ. ტფი-  
ლისში.

II. ამიერკავკასიის კომუნისტური უნივერსიტეტი მოეწყობა შემდეგი შედ-  
გენილობით:

1) ქართული სექტორი, ერთწლიანი კურსი, კომლექტი—100 სტუდენ-  
ტი, პროგრამა—საბჭოთა პარტიული სკოლის მე-2 საფეხურისა;

2) თურქული სექტორი, ერთწლიანი კურსი, კომლექტი—50 სტუდენტი,  
პროგრამა—საბჭოთა პარტიული სკოლის მე-2 საფეხურისა;

3) სომხური სექტორი, ერთწლიანი კურსი, კომპლექტი—50 სტუდენტი, პროგრამა—საბჭოთა პარტიული სკოლის მე-2 საფეხურისა;

4) რუსული სექტორი, ერთწლიანი კურსი, კომპლექტი—50 სტუდენტი, პროგრამა—საბჭოთა პარტიული სკოლის მე-2 საფეხურისა;

5) საზოგადოებრივ-პედაგოგიური ფაკულტეტი, სამწლიანი კურსი, კომპლექტი—100 სტუდენტი, პროგრამა—ნორმალური კომუნისტური უნივერსიტეტის სალექტორო კურსისა.

6) პარტიულ-საბჭოთა ფაკულტეტი, სამწლიანი კურსი, კომპლექტი—200 სტუდენტი, პროგრამა—ნორმალური კომუნისტური უნივერსიტეტის ძირითადი კურსისა.

III. ნაციონალური სექტორების სტიპენდიათა განაწილებას მოახდენენ რესპუბლიკანური ხელისუფლებანი; რუსული სექტორის, საზოგადოებრივ-პედაგოგიური და პარტიულ-საბჭოთა ფაკულტეტების სტიპენდიებს გაანაწილებს ამიერკავკასიის სახალხო კომისართა საბჭო.

განაწილებას მთლიანად ადამტკიცებს ამიერკავკასიის ცენტრალური აღმასრულებელი კომიტეტის პრეზიდიუმში.

IV. საზოგადოებრივ-პედაგოგიური და პარტიულ-საბჭოთა ფაკულტეტების პროგრამა, სასწავლო გეგმა და მუშაობის მეთოდი—შემუშავდება ნორმალური კომუნისტური უნივერსიტეტის თანამოსახელე ფაკულტეტების მსგავსად. ამიერკავკასიის კომუნისტური უნივერსიტეტის ყველა ნაწილის პროგრამასა და სასწავლო გეგმაში სათანადო ადგილი უნდა დაეთმოს კავკასიისა და აღმოსავლეთის ეკონომიური, პოლიტიკური, კულტურული და ყოფა-ცხოვრების პირობების შესწავლას.

V. ამიერკავკასიის კომუნისტური უნივერსიტეტის ნაწილთა გაშლის რიგი:

1) ქართული სექტორი გაიხსნება 1923 წლის თებერვლის 15-დან;

2) თურქული სექტორი გაიხსნება 1923 სექტემბრის 15-ს;

3) სომხური სექტორი გაიხსნება 1923 წლის სექტემბრის 15-ს;

4) რუსული სექტორი გაიხსნება 1923 წლის თებერვლის 15-ს;

5) საზოგადოებრივ-პედაგოგიური ფაკულტეტი გაიხსნება 1923 წლის თებერვლის 15-ს;

6) პარტიულ-საბჭოთა ფაკულტეტი გაიხსნება 1923 წლის სექტემბრის 15-ს.

VI. ამიერკავკასიის კომუნისტური უნივერსიტეტის გამგეობის შედგენილობა: გამგეობის პრეზიდიუმში: რექტორი, მისი მოადგილე და პასუხისმგებელს მდივანი; გამგეობის წევრნი: ნაციონალური სექტორების გამგენი და საზოგადოებრივ-პედაგოგიური ფაკულტეტის დეკანი და პარტიულ-საბჭოთა ფაკულტეტის დეკანი.

VII. ამიერკავკასიის კომუნისტური უნივერსიტეტს ფინანსიურად უზრუნველჰყავს ამიერკავკასიის სახალხო კომისართა საბჭო.

ამიერკავკასიის ცენტრალური აღმასრულებელი კომიტეტის თავმჯდომარე **მ. ცხაკაია**.

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს თავმჯდომარე **მ. ორახელაშვილი**.

ამიერკავკასიის ცენტრალური აღმასრულებელი კომიტეტის მდივანი **ბ. თალიბლი**.

გამოქვეყნებულია „ზარია ვოსტოკა“-ს 1923 წლის თებერვლის 8-ს თარიღის 29 №-ში.



# დადგენილება № 7 ამიერკავკასიის სოც. ფედ. საბჭ. რესპუბლიკის სახალხო კომისართა საბჭოსი.

1923 წლის თებერვლის 10.

## 8. თანაბარი სააქციოზო განაკვეთის დაწესების შესახებ ამიერკავკასიის ფედერაციის ფარგლებში.

რათა ამიერკავკასიის ტერიტორიაზე შექმნილ იქნეს ერთიანი ეკონომიური ფრონტი და არაპირდაპირი დაბეგვრის სფეროში დაწესდეს თანაბარი განაკვეთი, სახალხო კომისართა საბჭო, ამიერკავკასიაში ამჟამად აქციოზის შესახებ მომქმედი დეკრეტებისა და დადგენილებათა შესაცვლელად, ადგენს:

ამიერკავკასიის სოც. ფედ. საბჭო რესპუბლიკის ტერიტორიაზე დაწესდეს სააქციოზო გადასახადი შემდეგ საფუძველზე:

1. ყველა სააქციოზო გადასახადი გადახდევინებულ იქნება ამიერკავკასიის ფულის ნიშნებით და რესპუბლიკათა ადგილობრივი ფულის ნიშნებით იმ კურსის თანახმად, რაც დაწესებულია საკავშირო საბჭოს 1923 წლის იანვრის 10-ს დეკრეტით.

### აქციოზი წუმწუმის ასანთზე.

2. წუმწუმის ასანთს, როგორც ადგილობრივ დამზადებულს, ისე უცხოეთიდან შემოტანილს, დაედება აქციოზი ამიერკავკასიის ფულის ნიშნებით შემდეგი რაოდენობისა: რვაასი მანეთი თვითეულ კოლოფზე, რომელიც 75 წკირზე მეტს არ შეიცავს; ათას ექვსასი მანეთი თვითეულ კოლოფზე, რომელიც შეიცავს 75 წკირზე მეტს მაგრამ არა უმეტეს 150 წკირისა; ორი ათას ოთხასი მანეთი თვითეულ კოლოფზე, რომელიც შეიცავს 150 წკირზე მეტს, ხოლო არა უმეტეს 225 წკირისა და სხვ.

3. წუმწუმის ასანთის დამზადება შეიძლება მარტოოდენ იმ ფაბრიკაში, რომელსაც რეგისტრაცია ექმნა არაპირდაპირ გადასახადთა ადგილობრივ სამმართველოში.


4. აქციოზი ასანთის ნაკეთობისათვის გადახდილ უნდა იქნეს მისი გამოშვების დროს ფაბრიკიდან ან საბითუმო და საბაზისო საწყობიდან.

### აქციოზი ლუდსა, თაფლსა და კვასზე, ხილეულობისა და ხელოვნურ წყალზე.

5. მოსახლეობისათვის მისაყიდათ გამოშვებულ ლუდს, რომელიც შეიცავს ალკოგოლს არა უმეტეს ექვსი გრადუსისა, თაფლს, კვასსა და ხილეულობის წყალს, რომელშიც ალკოგოლი არის 1 1/2 გრადუსამდე და აგრეთვე ხელოვნურ მინერალურ წყალს დაედება აქციოზი შემდეგი რაოდენობით:

ა) გამოშვებული ლუდის თვითეულ ბოთლზე, რომელიც ვედროს 1/20-ს უდრის, გადახდევინებულ უნდა იქნეს ოცი ათასი მანეთი ამიერკავკასიის ფულის ნიშნებით, ანუ ოთხასი ათასი მანეთი ვედროზე იმავე ფულის ნიშნებით;

ბ) გამოშვებული თაფლისა, კვასისა, ხილეულობისა და ხელოვნური მინერალური წყალის თვითეულ ბოთლზე, რომელიც უდრის ვედროს 1/10-ს, ათასხუთასი მანეთი ამიერკავკასიის ფულას ნიშნებათ, ანუ ოცდაათი ათასი მანეთი ვედროზე იმავე ფულის ნიშნებით.



6. აქციზი ლუღზე გადახდევინებულ უნდა იქნეს მისი გამოშვების დროს ლუღის გამომხდელი ქარხნის სარდაფიდან ან საწყობიდან, რომელიც ქარხანასთან არსებობს, ხოლო მე-5 მუხლში ჩამოთვლილ სხვა სასმელებზე—მათი გამოშვების დროს დამზადების ადგილიდან.

7. გამოხდა და გაყიდვა ლუღისა, თაფლისა, კვასისა და ყოველგვარი სხვა ხილეულობის წყალისა შეიძლება მარტოოდენ იმ ქარხანაში და საწყობში, რომელიც არაპირდაპირ გადასახდთა ადგილობრივი სამმართველოს მიერ გატარებული რეგისტრაციაში.

8. ლუღის ბითუმად და ცალობით გაყიდვის ადგილი მისი გაყიდვის უკლებსათვის გადაიხდის ცალკე სპაპტენტო გადასახადს, თანახმად დაწესებული საზოგოო ნიბრისა, მიუხედავად სარეწავი და ვაჭრობის უფლების სხვა გადასახადის გაღებისა. მე-5 მუხლში ჩამოთვლილი დანარჩენი სასმელების გაყიდვის ადგილი ცალკე სპაპტენტო გადასახადს არ გადაიხდის.

### აქციზი ნავთის პროდუქტებზე.

9. აქციზით დაიბეგრება ნავთის სანათი ზეთი (კეროსინი) და სხვა გამჟღავნებელი ნახადი. პროდუქტი ნავთის ქიმიური და ყოველნაირი სხვა დამუშავებისა (სანათი და საცხებელი ზეთი),—ბენზინის გარდა,—ას სამოცი ათასი მანეთის რაოდენობით ფუთზე, ხოლო ბენზინი—ოთხასი ათასი მანეთის რაოდენობით ფუთზე.

10. ამიერკავკასიის ფედერაციის ფინანსთა სახალხო კომისარიატს უფლება ეძლევა აღნიშნოს ხოლმე განსაზღვრა იმ ნიშნებისა, რაც ნახად პროდუქტებს ან ნავთის ქიმიური და ყოველნაირი სხვა დამუშავების პროდუქტებს—განასხვავებს ნავთის დანარჩენ პროდუქტებისაგან, რომელსაც აქციზი არ უნდა დაედოს.

11. ამა დადგენილების მე-9 მუხლში აღნიშნული პროდუქტების აქციზით დაბეგრვა სწარმოებს ამ პროდუქტების გამოშვების დროს მათი დამზადების ადგილიდან.

### აქციზი ჩაიზე, ყავაზე და ციკორზე.

12. ჩაის, ყავას, მათ სუროგატებს და ციკორს, როგორც ადგილობრივი აღმოცენებისა, ისე უცხოეთიდან შემოტანილს ნედლად თუ მზად,—დაედება აქციზი ხაზინის სასარგებლოდ შემდეგი რაოდენობით:

ა) შავი (ბაიხოვი) ჩაი—სამასი ათასი მან. გირვანქაზე (ამიერკავ. ფულის ნიშნებით);

ბ) ჩაი ფილებად (პლიტოჩინი)—ას სამოცი ათასი მან. გირვანქაზე (ამიერკავ. ფულის ნიშნებით).

გ) აგურის ჩაი (კიროჩინი) ას ოცი ათასი მან. გირვანქაზე (ამიერკავკასიის ფულის ნიშნებით).

დ) ყავა ნატურალური, უმი ან დახალული და დაფქული—ოთხმოცი ათასი მანეთი გირვანქაზე (ამიერკავკასიის ფულის ნიშნებით).

ე) სუროგატი ჩაისა და ყავისა და ციკორი—თორმეტი ათასი მანეთი გირვანქაზე (ამიერკავკასიის ფულის ნიშნებით).

**შენიშვნა.** ადგილობრივი აღმოცენების ჩაი დაიბეგრება ოცი ათასი მანეთის რაოდენობით გირვანქაზე (ამიერკავკასიის ფულის ნიშნებით), ხოლო ამიერკავკასიის ფედერაციის ფარგლებიდან გატანის დროს გადახდის უნდა იქნეს სამასი ათასი მან. გირვანქაზე.

13. ყოველგვარი ოპერაცია მე-12 მუხლში ჩამოთვლილი პროდუქტების ჩაწყვისათვის და სათანადო შემთხვევაში, დამზადებისათვის — შეიძლება მოხდეს მარტოოდენ იმ ქარხანაში და საწარმოში, რომელიც გატარებულია რეგისტრაციაში არაპირდაპირ გადასახადთა ადგილობრივი სამმართველოს მიერ.

14. ჩაიზე, ყავაზე, მათ სუროგატზე და ციკორზე აქციზი გადახდელ უნდა იქნეს:

- ა) უცხოეთიდან შემოტანილზე — საბაჟოდან გამოშვების დროს;
- ბ) ადგილობრივ აღმოცენებისა და ადგილობრივ წარმოებულზე — მე-13 მუხლში აღნიშნულ ქარხნიდან და საწარმოდან გამოშვების დროს.

### აქციზი დაწესილ საფუარზე.

15. დაწესილ საფუარს, როგორც ადგილობრივ დამზადებულს, ისე უცხოეთიდან შემოტანილს, დაედება აქციზი ორმოცდა თექვსმეტი ათასი მანეთის რაოდენობით (ამიერკავკასიის ფულის ნიშნებით) თვითეულ გირვანქაზე.

16. დაწესილი საფუარის დამზადება შეიძლება მარტოოდენ ისეთ ქარხანაში და საწარმოში, რომელიც არაპირდაპირ გადასახადთა ადგილობრივი სამმართველოს მიერ გატარებულია რეგისტრაციაში.

17. აქციზი დაწესილ საფუარზე გადახდევინებულ უნდა იქნეს მისი გამოშვების დროს იმ ადგილიდან და საწარმოდან, სადაც იგი მზადდება.

### აქციზი სახარინზე.

18. სახარინს და სხვა მის თანაგვარ ხელოვნურ ტკბილ ნივთიერებას, რაც მზადდება ამიერკავკასიის ფედერაციის ტერიტორიაზე ან შემოტანილია უცხოეთიდან — დაედება აქციზი ერთი მილიონი მანეთის რაოდენობით (ამიერკავკასიის ფულის ნიშნებით) თვითეულ გირვანქაზე.

19. ყოველგვარი ოპერაცია სახარინის დამზადებისთვის და, სათანადო შემთხვევაში, ჩაწყვისათვის — შეიძლება მოხდეს მარტოოდენ იმ ქარხანაში ან საწარმოში, რომელიც არაპირდაპირ გადასახადთა ადგილობრივი სამმართველოს მიერ გატარებულია რეგისტრაციაში.

20. სახარინის აქციზი გადახდევინებულ უნდა იქნეს:

- ა) უცხოეთიდან შემოტანილისა — საბაჟოდან გამოშვების დროს და
- ბ) ადგილობრივ დამზადებულისა — მე-19 მუხლში აღნიშნული ქარხნიდან ან საწარმოდან გამოშვების დროს.

### აქციზი სპირტზე და არყეულობაზე.

21. სპირტისა და სპირტის სასმელის წარმოება და მისი მოსახლეობისათვის მიყიდვა ნებადართულია ცალკე წესების საფუძველზე, რასაც განსაზღვრავს ამიერკავკასიის ფედერაციის ფინანსთა სახალხო კომისარიატი.

22. მოხმარებისათვის გამოშვებული სპირტი, გამოხდილი პურეულიდან და ყურძნისა და ხილის მასლიდან და აგრეთვე არყეულობა — დაიბეგრება აქციზით სახარინის სასარგებლოდ შემდეგი რაოდენობით:

ა) გამოხდილი პურეულისაგან და დაჩირული ხილეულობისა და ყურძნეულობისაგან (იზიუმა და ქიშმიში) — ოცი ათასი მანეთით (ამიერკავკასიის ფულის ნიშნებით) გრადუსზე (<sup>1</sup> 100 ნაწილი ერთი ვედრო უწყლო ალკოგოლისა).

ბ) კონიაკის სპირტი — ოცდა ოთხი ათასი მანეთით გრადუსზე;

გ) კონიაკს დაედება დამატებითი აქციზი ერთი მილიონი ოთხმოცი ათასი მანეთის რაოდენობით ვედროზე;

დ) სპირტი, გამოხდილი ნედლი ხილიდან, მარწყვეულობიდან და ღვინეულის ნაშთებიდან დაიბეგრება რვა ათასი მანეთით გრადუსზე;



ე) არყულობას, გარდა ძირითადი მინარცისა სპირტზე, მიერიცხება დამატებით ექვსასი ათასი მანეთი ვედროზე.

**შენიშვნა.** ტეხნიკური, ქიმიური და სხვა სპეციალური საჭიროებისათვის გაცემული შუმი და რეკტიფიკაცია ქმნილი სპირტი უნდა დაიბეგროს აქციზით საერთო საფუძველზე.

23. სპირტისა და არყულობის წარმოებისა და გაყიდვის ადგილი, — მიუხედავად დადგენილი სარეწავი გადასახადისა და შემუშავებისა და ვაჭრობის უფლებისათვის არსებული სხვა გადასახადების გასტუმრებისა, — გადაიხდის ცალკე საპატენტო გადასახადს, თანახმად არსებული საზოლო ნიხრისა.

### აქციზი თაფლისა და ქანცვილის (ოზოკერიტ) სანთელზე.

24. თაფლისა და ქანცვილის სანთელს, როგორც მოკავშირე რესპუბლიკათა ტერიტორიაზე დამზადებულს, ისე უცხოეთიდან შემოტანილს — დაედება აქციზი სახელმწიფოს სასარგებლოდ გამოცდა თორმეტი ათასი მანეთის რაოდენობით (ამიერკავკასიის ფულის ნიშნებით) თვითულ გირვანქაზე.

25. ყველა ქარხანა და დაწესებულება, სადაც მზადდება თაფლისა და ქანცვილის სანთელი, გატარებულ უნდა იქნეს რეგისტრაციაში არაპირდაპირ გადასახადთა სათანადო სამმართველოში.

26. აქციზი ადგილობრივ დამზადებული თაფლისა და ქანცვილის სანთელზე გადახდით უნდა იქნეს მისი გამოშვების დროს ქარხნიდან ახ საწარმოდან, ხოლო უცხოეთიდან შემოტანილისათვის — საბაჟოდან გამოშვების დროს.

### აქციზი ყურძნისა, ხილეულობისა და „იზიუმის“ ღვინოზე.

27. მოსახლეობისათვის მისაყიდად გამოშვებული ყურძნის ღვინო, რომელიც ალკოგოლს შეიცავს არა უმეტეს 20 გრადუსისა, აგრეთვე ხილეულობისა და „იზიუმის“ ღვინო, რომელიც ალკოჰოლს შეიცავს არა უმეტეს 14 გრადუსისა და თავისი ვარჯისიანობის მხრით აკმაყოფილებს ყველა სათანადო მოთხოვნას — დაიბეგრება აქციზით ხაზინის სასარგებლოდ შემდეგი რაოდენობით:

#### ა. ადგილობრივი წარმოებისა:

ა. ყურძნის ღვინო არა უმეტეს 14 გრადუსისა სიმაგრით — ორასი ათასი მანეთი ვედროზე (ამიერკავკასიის ფულის ნიშნებით) გარდა ამიერკავკასიის რესპუბლიკათა ფარგლებიდან გატანილი ღვინოებისა და აგრეთვე ხილეულობის ღვინოებისა, რომელთაც აქციზი დაედება ოთხას ოთხმოცი ათასი მანეთის რაოდენობით ვედროზე.

ბ) ყურძნის ღვინო, რომელიც ალკოჰოლს შეიცავს 14 გრადუსზე ზევით, მაგრამ არა უმეტეს 20 გრადუსისა და აგრეთვე „იზიუმის“ ღვინოს — დაედება აქციზი ერთი მილიონი ოთხმოცი ათასი მანეთის რაოდენობით ვედროზე;

გ) მონავარდე ღვინო (მუშხუნა, დამზადებული შამპანიურისდაგვარად) — დაიბეგრება აქციზით ორი მილიონი რუბლის ათასი მანეთის რაოდენობით ვედროზე.

#### ბ. უცხოეთიდან შემოტანილი:

დ) უცხოეთიდან შემოტანილ ყურძნის ღვინოს, რომელიც ალკოჰოლს შეიცავს 14 გრადუსამდე, აქციზად დაედება ერთი მილიონი მანეთი ვედროზე, 14 გრადუსზე ზევით, მაგრამ არა უმეტეს 20 გრადუსისა — ორი მილიონი მან. ვედროზე და მონავარდე ღვინოს (მუშხუნა, დამზადებული შამპანიურისდაგვარად) — რვა მილიონი მან. ვედროზე.

**შენიშვნა.** ღვინის ძმარს აქციზად დაედება ორასი ათასი მანეთი ვედროზე.

28. ლენინის მწარმოებელს შეუძლიან მიჰყიდოს თავისი ლენინო მხოლოდ იმ სახელმწიფო ორგანოს, კოოპერატიულ ორგანიზაციას და კერძო პირს, რომელიც ლენინს ყიდვის უფლებებისათვის მიიღებს ნებაართვას არაპირდაპირ გადასახადთა ადგილობრივ სამმართველოში.

29. ლენინის აქციზი გადახდილ უნდა იქნეს მისი გამოშვების დროს ბითუმად გასაღების ადგილიდან ცალობით გაყიდვის ადგილას და კერძო პირისათვის გაცემის დროს.

30. ლენინის ბითუმად და ცალობით გაყიდვის ადგილი, მიუხედავად დადგენილი სარეწავი გადასახადისა და ვაჭრობის უფლებებისათვის არსებული სხვა გადასახადების გასტუმრებისა, ვადაისდის ცალკე საპატენტო გადასახადს, თანხმად არსებული სახლო ნიხრისა.

### აქციზი თამბაქოსა და გილზის ნაკეთობაზე.

31. თამბაქოსა და გილზის ნაკეთობას დაედება აქციზი შემდეგი რაოდენობით:

#### ა. ადგილობრივი:

ა) ყვითელი თამბაქო ფოთლებად (მაგრამ არა წეკო), რომელიც ქარხნის საწყობიდან გადაეცემა თვით ქარხანას მოსაწევ თამბაქოდ და პაპიროსებად გადაამუშავებისათვის, — დაიბეგრება ას ოცი ათასი მანეთის (ამიერკავკასიის ფულის ნიშნებით) რაოდენობით თვითეულ გირვანქაზე;

ბ) წეკოს პაპიროსი — სამოცი ათასი მანეთის რაოდენობით ათას ცალზე;

გ) სიგარეტი — რვაასი ათასი მანეთის რაოდენობით ათას ცალზე;

დ) სიგარა — ორი მილიონი მანეთის რაოდენობით ათას ცალზე;

ე) წეკო — ოცი ათასი მანეთის რაოდენობით თვითეულ გირვანქაზე;

#### ბ. უცხოეთისა:

ვ) მოსაწევი თამბაქო და ბურნუთი — ოთხასი ათასი მან. რაოდენობით გირვანქაზე;

ზ) პაპიროსი — შვიდასი ათასი მან. რაოდენობით ათას ცალზე;

თ) სიგარეტი — ორი მილიონი და ოთხასი ათასი მან. რაოდენობით ათას ცალზე;

ი) სიგარა — ექვსი მილიონი მან. რაოდენობით ათას ცალზე;

კ. პაპიროსის გილზი — სამოცი ათასი მან. რაოდენობით თვითეულ ათას ცალზე.

დ. დაჭრილი პაპიროსის ქალაღი — თექვსმეტი ათასი მან. რაოდენობით თვითეულ ათას ფურცელზე.

32. აქციზით დაბეგვრა პაპიროსისა, სიგარეტისა და სიგარისა სწარმოებს 31 მუხლის „ბ“, „გ“ და „დ“ პუნქტით გათვალისწინებულ ფარგლებში იმ პირობით, უკეთეს ეს ნაკეთობანი თავიანთი წონით არ აღემატებიან თვითეული მათგანის ათასი ცალისათვის დაწესებულ უმაღლეს ფარგალს. ამ ფარგლების დაწესება და ავრთვე პაპიროსზე, სიგარეტზე და სიგარაზე აქციზის თანაბრად გადიდებულ განაკეთის დადგენა უკიდურესი წონის ზევით — უფლება ეძლევა განმარტოს ამიერკავკასიის ფედერაციის ფინანსთა სახალხო კომისარიატმა.

33. გილზი, რომელიც ხმარდება პაპიროსის დაშვადებას თამბაქოს ქარხანაში, — აქციზით არ დაიბეგრება.

34. თამბაქოსა და პაპიროსის აქციზი გადახდევინებულ უნდა იქნეს თამბაქოს გადაცემის დროს მოსაწევ თამბაქოდ და პაპიროსად გადაამუშავებისათვის, ხოლო 31 მუხლის „ბ“, „გ“, „დ“ და „ე“ პუნქტში ჩამოთვლილ ნაკეთობათა აქციზი გადახდევინებულ უნდა იქნეს მათი გამოშვების დროს ფაბრიკიდან ან საბაზისო და საბითუმო საწყობიდან.

35. გილზის ნაკეთობის აქციზი გადახდევინებულ უნდა იქნეს მისი გამოშვების დროს იმ ადგილიდან, სადაც იგი მზადდება.

36. თამბაქოს ნაკეთობის ვაჭრობა, როგორც სავაჭრო საწარმოში, ისე ტარებით და ხელზე ვაჭრობა—დაიბეგვრება, ხაზინის სასარგებლოდ, ცალკე საპატენტო გადასახადით, თანახმად დაწესებულ სისას და მიუხედავად სარეწავი და ვაჭრობის უფლებისათვის არსებული სხვა გადასახადების გადახდისა.

37. ყველა ფაბრიკა და ყოველნაირი დაწესებულება, სადაც მზადდება თამბაქოსა და გილზის ნაკეთობა, — გატარებულ უნდა იქნეს რეგისტრაციაში არა პირდაპირ გადასახადთა ადგილობრივი სამმართველოს მიერ.

### აქციზი მარილზე.

38. ყველა მარილიანი ადგილი და მიწის გული შეადგენს სახელმწიფო საკუთრებას.

39. ამიერკავკასიის ფედერაციის რესპუბლიკათა თვითეულ სახალხო მეურნეობის უმაღლეს საბჭოს ევალება გამოარკვიოს და მოახდინოს რეგისტრაცია ამიერკავკასიის ყველა მარილიანი ადგილისა.

40. იმ რაიონებში, სადაც მარილის ამოღება ხდება სახელმწიფოს მიერ — მარილიანი ადგილის შემუშავებას ეწევიან ამიერკავკასიის ფედერაციის რესპუბლიკათა სახალხო მეურნეობის უმაღლესი საბჭოები.

41. მარილიანი ადგილი, რომლის ექსპლოატაციას სახელმწიფო არ ეწევა, სახალხო მეურნეობის უმაღლესი საბჭოსა და მისი ორგანოების მიერ შეიძლება მიეცეს იჯარით კოაპერატიულ დაწესებულებას, სოფლის საზოგადოებას და კერძო პირს.

42. საშმლის მარილი, როგორც ამიერკავკასიის ფედერაციის ტერიტორიაზე დამზადებული, ისე უცხოეთიდან შემოტანილი, დაიბეგვრება აქციზით ორმოცი ათასი მანეთის რაოდენობით ფუთზე, გარდა ამიერკავკასიის რესპუბლიკის ფარგლებიდან გატანილი მარილისა, რომელსაც აქციზად დაედება ასოციათის მანეთი ფუთზე.

43. სახმარებლად გამოშვებული ან უცხოეთიდან შემოტანილი მარილის აქციზი გადახდევინებულ უნდა იქნეს მისი გამოშვების დროს სამრეწველო ადგილიდან ან საბაჟოდან.

### აქციზი ჭარხლისა და სახამებლო შაქარზე.

44. ჭარხლისა, კრისტალისებური და სახამებლო შაქარი, როგორც ამიერკავკასიის ფედერაციის ტერიტორიაზე დამზადებული, ისე უცხოეთიდან შემოტანილი, დაიბეგვრება აქციზით, ხაზინის სასარგებლოდ, შემდეგი რაოდენობით:

ა) ჭარხლის კრისტალისებური შაქარი (ფუნთხი, რაფინადი და დაწინებილი შაქარი)—ორას ორმოცი ათასი მანეთი თვითეულ ფუთზე, გარდა ამიერკავკასიის რესპუბლიკის ფარგლებიდან გატანილი შაქრისა, რომელსაც აქციზად დაედება რვა ასი ათასი მან. ფუთზე;

ბ) სახამებლო შაქარი სითხედ და გამაგრებული (სახამებლის ბადაგი, გლიუკოზა და რაფინადი)—ას ოცი ათასი მან. თვითეულ ფუთზე.

**შენიშვნა:** ჭარხალ-შაქრის ჭარხნიდან გამოშვებული შავი ბადაგი (მელასა) აქციზით არ დაიბეგვრება.

45. უცხოეთიდან შემოტანილი ლერწმის შაქარი აქციზის გადახდით გაუთანასწორდება ჭარხლის შაქარს.

46. ყველა ჭარხანი და საწარმო, სადაც მზადდება ჭარხლისა და სახამებლო შაქარი, გატარებულ უნდა იქნეს რეგისტრაციაში არაპირდაპირ გადასახადთა ადგილობრივი სამმართველოს მიერ.

47. ადგილობრივ დამზადებული შაქრის აქციზი გადახდილ უნდა იქნეს



მისი ქარხნიდან გამოშვების დროს, ხოლო უცხოეთიდან შემოტანილისა—საბა-  
ჟოდან გამოშვების დროს.

48. აქციზით დასაბეგვრი ყოველი საგანი, გამოშვებული მისი დამზადე-  
ბისა და ამოღების ადგილიდან და აგრეთვე საბითუმო და საბაზისო საწყობი-  
დან, უკეთუ აქციზი გადარიცხულია ამ საწყობებზე, დლიდან ამა დადგენილების  
ძალაში შესვლისა, დაიბეგვრება აქციზით ახლად დადგენილი განაკვეთისამებრ.

49. აქციზით დასაბეგვრი სავაჭრო საწყობების მარაგი, რაც ამა დადგენილების ძა-  
ლაში შესვლის დროს აღმოჩნდება სავაჭრო საწყობებსა და დაწესებულებებში,—  
დაიბეგვრება აქციზის ახლად დადგენილ განაკვეთსა და წინანდელ განაკვეთის  
შორის არსებული განსხვავების რაოდენობით. იმავე დამატებითი აქციზით უნ-  
და დაიბეგვროს ის პროდუქტები, რაც გამოშვებულია წარმოებისა და შენახვის  
ადგილიდან, ამა დადგენილების ძალაში შესვლამდე, რამდენადაც ამ პროდუქ-  
ტებს მიიღებს სავაჭრო საწყობი და დაწესებულება. ფინანსთა სახალხო კომი-  
სარიატს უფლება ეძლევა დააწესოს მინიმალური რაოდენობა თვითეული გვა-  
რის საგნებისა, რაც უნდა აღინუსხოს და დაიბეგვროს აქციზით სავაჭრო სა-  
წყობებსა და დაწესებულებებში და აგრეთვე განსაზღვროს წესი და ვადები და-  
მატებით მირიცხული აქციზის გადახდისათვის.

50. საერთო ხელმძღვანელობა იმ საქმეთა, რაც ეხება ყველა აქციზების  
გადახდევინებას—ევალება ამიერკავკასიის ფედერაციის ფინანსთა სახლო კო-  
მისარიატს.

51. ამიერკავკასიის ფედერაციის ფინანსთა სახლო კომისარიატს უფლე-  
ბა ეძლევა გამოსცეს ხოლმე წესები და ინსტრუქციები ამა დადგენილების გან-  
ხორციელებისათვის.

52. ამა დადგენილების მოქმედება გაერკელდება მთლად ამიერ-კავკასიის  
ფედერაციაზე.

53. დადგენილება ესე ძალაში შედის დლიდან მისი გამოქვეყნებისა.

ამიერკავკასიის სოც. ფედ. საბჭ. რესპუბლიკის სახლო კომი-  
სართა საბჭოს თავმჯდომარე **მ. ორახელაშვილი.**

ამიერკავკასიის სოც. ფედ. საბჭ. რესპუბლიკის ფინანსთა სა-  
ხლო კომისარი **თუმანოვი.**

ამიერკავკასიის სოც. ფედ. საბჭ. რესპუბლიკის სახლო კომი-  
სართა საბჭოს საქმეთა მმართველი **მ. პოლის.**

გამოქვეყნებულია „ზარია ვოსტოკა“-ს 1923 წლის თებერვლის 11-ს თა-  
რილის 32 №-ში.

## დაპრეზი ამიერკავკასიის სოც. ფედ. საბჭ. რესპუ- ბლიკის სახლო კომისართა საბჭოსი.

1923 წლის თებერვლის 9.

### 9. საზღვაო ტრანსპორტის მოქმედების გაერთიანების შესახებ.

ქ. მოსკოვში საბჭოთა სოციალისტური რესპუბლიკების კავშირის დაარსე-  
ბის შესახებ 1922 წლის დეკემბრის 30-ს დადებული ხელშეკრულების საფუ-  
ძველზე და საზღვაო ტრანსპორტისა და სავაჭრო პორტების მოქმედების გაერ-  
თიანებისთვის, ამიერკავკასიის სოც. ფედ. საბჭ. რესპუბლიკის სახლო კომი-  
სართა საბჭო აღვენს:

1. საქართველოს სოც. საბჭ. რესპუბლიკისა და აფხაზეთის საზღვაო ტრან-  
სპორტის სამმართველო და აგრეთვე კასპიის ზღვის პორტების სამმართველო,

ამიერკავკასიის სოც. ფედ. საბჭ. რესპუბლიკის ტერიტორიის ფარგლებში, გადაკეთებულ იქნეს ამიერკავკასიის პორტების განყოფილება. მოწყობის საპორტო სამმართველოები ადგილობრივ, თანამედ გზათა სახალხო კომისარიატის მიერ 1922 წლის ივნისის 30-ს თარიღით დამტკიცებული დებულებისა სავაჭრო პორტების მმართველობის შესახებ.

2. ამიერკავკასიის პორტების განყოფილება ყოველი მხრით ექვემდებარება საბჭოთა სოციალისტური რესპუბლიკების კავშირის გზათა სახალხო კომისარიატის რწმუნებულს, რომელიც თავის მოქმედებას შეუთანხმებს ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს, ხოლო ადგილობრივი მნიშვნელობის საკითხებში იხელმძღვანელებს ამიერკავკასიის სოც. ფედ. საბჭ. რესპუბლიკის უმაღლესი ორგანოებისა—ცენტრალური აღმასრულებელი კომიტეტისა და სახალხო კომისართა საბჭოს დადგენილებებს და განკარგულებებს.

3. ვიდრე მოეწყობოდა სოციალისტურ რესპუბლიკათა კავშირის ტრანსპორტის სამმართველო და დაინიშნებოდა გზათა სახ. კომისარიატის რწმუნებული იმ საფუძველზე, რაც აღნიშნულია 1922 წლის დეკემბრის 30-ს საკავშირო ხელშეკრულებაში, ამიერკავკასიის პორტების განყოფილება ყოველ საქმეში ექვემდებარება ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს და თავის მოქმედებას შეუთანხმებს გზათა სახალხო კომისარიატის საზღვაო ტრანსპორტის ცენტრალური სამმართველოს პორტების განყოფილების განკარგულებათ.

4. ცალკე უწყებათა ინტერესების შეთანხმებისათვის საბჭოთა სოციალისტური რესპუბლიკების კავშირის გზათა სახალხო კომისარიატის რწმუნებულთან ამიერკავკასიის სოც. ფედ. საბჭ. რესპუბლიკაში მოეწყობა ამიერკავკასიის საპორტო საქმეთა კომიტეტი. კომიტეტი მოქმედებს შრომისა და თავდაცვის საბჭოს მიერ საპორტო საქმეთა კომიტეტებისა და თათბირების შესახებ 1922 წლის დეკემბრის 5-ს დამტკიცებული დებულების საფუძველზე; ადგილობრივი მნიშვნელობის საკითხებში კომიტეტის დადგენილებანი უნდა დამტკიცოს ამიერკავკასიის სოც. ფედ. საბჭ. რესპუბლიკის სახალხო კომისართა საბჭომ და საზოგადოებრივ ჩაითვლება.

5. საქართველოს სოც. საბჭ. რესპუბლიკისა და აფხაზეთის საზღვაო ტრანსპორტის სამმართველოს საექსპლოატაციო ნაწილი, რომელიც მოქმედებდა საქართველოს სახელმწიფო ნაოსნობის სახელწოდებით, გადაეცეს უშუალო გამგებლობისათვის შავიზღვა—აზოვის სახელმწიფო ნაოსნობას და გამოიყოს სათანადო ქონება რუსეთის სოც. ფედ. საბჭ. რესპუბლიკის სახელმწიფო სავაჭრო ტრანსპორტის დებულებით დადგენილი წესის მიხედვით; ეს გამოყოფა მოხდება ცალკე სალიკენდაციო კომისიის მეშველობით, რომლის თავმჯდომარესაც დანიშნავს საზღვაო ტრანსპორტის ცენტრალური სამმართველო ამიერკავკასიის პორტების განყოფილებისა და შავიზღვა—აზოვის სახელმწიფო ნაოსნობის წარმომადგენელთაგან.

6. დეკრეტი ესე ძალაში შედის დღიდან მისი გამოქვეყნებისა.

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს თავმჯდომარე—**მ. ორახელაშვილი.**

ამიერკავკასიის სოც. ფედ. საბჭ. რესპუბლიკის სახალხო კომისართა საბჭოს საქმეთა მმართველი—**მ. პოლის.**

გამოქვეყნებულია „ზარია ვოსტოკა“-ს 1923 წლის თებერვლის 11-ს თარიღის 32 №-ში.